

INSON HUQUQLARI VA XALQARO ODAT HUQUQI

*Muzaffarov Ikromjon Nodirbek o'g'li*

*Ijtimoiy Iqtisodiyot fakulteti MĠMAHT yo'nalishi 204 guruh talabasi,*

*e-mail:agsu [info@edu.uz](mailto:info@edu.uz)*

**Annotatsiya:** Ushbu maqolada inson huquqlari bo'yicha xalqaro huquq davlat bilan uning fuqarolari o'rtasidagi fuqarolarning huquqlarini xalqaro miqyosda himoya qilish bilan bog'liq bo'lgan huquqiy munosabatlari tartibga solishi borasida adabiyotlar tahlil qilingan.

**Kalit so'zlar:** xalqaro huquq, fuqarolarning huquqlari, odat huquqi, odat normasi, huquq monitoringi.

Xalqaro odat huquqi davlatlarning huquqiy majburiyati tushunchasidan kelib chiqadi hamda qat'iy rioya etiladigan umumiy va doimiy amaliyotdan tashkil topadi. Xalqaro odat xalqaro huquqning manbaidir. Xalqaro huquqning odat normasi xulq-atvor va yurish-turishning barchaga bab-baravar qoidalar, ya'ni, xalqaro huquq subyektlari yuridik jihatdan majburiy deb e'tirof etadigan qoidalar bir xil amal qilishida ko'rinadi. Inson huquqlari bo'yicha xalqaro huquq davlat bilan uning fuqarolari o'rtasidagi fuqarolarning huquqlarini xalqaro miqyosda himoya qilish bilan bog'liq bo'lgan huquqiy munosabatlarni tartibga soladi. Boshqa davlatlar odatda, bunday huquq monitoringiga faqat oddiy diplomatik amaliyot vositasida tasodif tufayli jalb etilib qolishi mumkin. Shunday qilib, davlatlar tomonidan inson huquqlari bo'yicha xalqaro huquqni hosil etish sifatida qabul qilingan amaliyot, umuman olganda, xalqaro odat huquqini tashkil etuvchi xulq-atvor va yurish-turishning ayrim shakllaridan farq qiluvchi shakllarni o'z ichiga oladi, ular, xususan, quyidagilardan iborat: *birinchidan*, BMTNizomiga va uning inson huquqlariga doir qoidalariga yalpi tarafdorlik; *ikkinchidan*, Inson huquqlari umumjahon deklaratsiyasi universal tarzda va tezda tasdiq etilgan holda qabul qilinganligi; *uchinchidan*, inson huquqlarining umume'tirof etilgan tamoyillarini qabul qilish

yoki ayrim huquqlarning o'zini qabul qilish to'g'risida xalqaro bitimlarni tayyorlash hamda qabul qilish ishida davlatlarning yalpi ishtiroki; *to'rtinchidan*, inson huquqlari tamoyillarining Yevropa, Lotin Amerikasi va Afrikadagi mintaqaviy tashkilotlarda davlatlar tomonidan qabul qilinishi; *beshinchidan*, inson huquqlari bo'yicha xalqaro tamoyillarning xalqaro huquq normalari deb e'tirof etilishi; *oltinchidan*, davlatlarning o'z milliy huquqiy tizimlari yoki amaliyotlarini xalqaro standartlarga yoki xalqaro tashkilotlar tomonidan e'lon qilingan tamoyillarga muvofiq holga keltirish borasidagi faoliyati hamda inson huquqlari to'g'risidagi qoidalarning milliy konstitutsiyalar va qonunlarga *yettinchidan*, milliy siyosatda, diplomatik amaliyotda, xalqaro tashkilotlarning faoliyati va harakatlarida inson huquqlari tamoyillariga muntazam murojaat etib turilishi; *sakkizinchidan*, davlatlarning inson huquqlari bo'yicha xalqaro huquqni buzish bilan bog'liq amaliyotni, shu jumladan, boshqa davlat tomonidan qonunbuzarlikka javob tariqasida ko'rilayotgan qamoqqa olish choralari va sodir etilayotgan boshqa nomatlub harakatlari aks etgan boshqa munosabatlari yoki harakatlari. Xalqaro odil sud huquqlari bo'yicha xalqaro odat huquqi mavjudligi e'tirof etilgan. Shu bilan birga, inson huquqlari bo'yicha xalqaro odat huquqi, asosan, birinchi avlod (turkum) huquqlari deb yuritiladigan fuqarolik va siyosiy huquqlarga taalluqli bo'lib, ikkinchi va uchinchi avlod huquqlariga, eng avvalo, ijtimoiy, iqtisodiy va madaniy huquqlarga amalda daxl etmaydi. Inson huquqlari va xalqaro shartnomalar huquqi. Xalqaro shartnomalar huquqi davlatlar bilan xalqaro huquqning boshqa subyektlari o'rtasidagi xalqaro shartnomalar tuzish, bunday shartnomalarning amal qilishi va ularni bekor qilish bilan bog'liq munosabatlarni tartibga soluvchi huquqiy normalar majmuidan iborat. Ushbu xalqaro shartnomalarni tuzish, amalda qo'llashni xalqaro huquqiy tartibga solish bo'yicha maxsus xalqaro shartnomalar ham qabul qilingan bo'lib, ular quyidagilarni tashkil etadi:

Hozirgi paytda, xalqaro shartnomaviy munosabatlarni tartibga soluvchi mazkur xalqaro shartnomalarning qoidalarga rioya qilingan holda, inson huquqlari masalalarini qamrab olgan maxsus xalqaro hujjatlar bazasi shakllantirilgan bo'lib, mazkur baza 1000 ga yaqin xalqaro hujjatlarni tashkil etadi.

Inson huquqlari bo'yicha xalqaro huquq normalari hozirgi zamon xalqaro huquqida yuridik kuchlari nuqtayi nazaridan ikki turga: xalqaro majburiy (imperativ) xarakterdagi, yoki boshqacha qilib aytganda, "xalqaro qattiq huquq" (international hard law) va majburiy (deklarativ) xakterga ega bo'lmagan, boshqacha qilib aytganda, "xalqaro yumshoq huquq" (international soft law)larga bo'linadi. Imperativ normalar deganda davlatlar tomonidan qo'shilib, bajarilishi shart bolgan va uning bajarilishi bo'yicha alohida mexanizmlarga ega bo'lgan hujjatlar, konvensiyalar, faktlar va boshqa majburiy xalqaro shartnomalar tushunilsa, deklarativ hujjatlarda esa, davlatlarni bunday hujjatlar qoidalariga majburlovchi mexanizmlarga ega bo'lmagan va davlatlarni bunday hujjatlarni bajarishga undovchi chaqiriqlar bayon qilingan. Imperativ normalarni o'zida qamrab olgan hujjatlarga 1966-yilda qabul qilingan, "Fuqarolik va siyosiy huquqlar to'g'risida"gi xalqaro pakt, "Iqtisodiy, ijtimoiy va madaniy huquqlar to'g'risida"gi xalqaro pakt, Bola huquqlari to'g'risidagi konvensiya kabi hujjatlar kiradi.

#### **ADABIYOTLAR**

1. Saidov A.X. Inson huquqlari bo'yicha xalqaro huquq. Darslik. - T.: Konsauditinform -Nashr, 2006. - B. 66.
2. Rustamboyev M., Nikiforova Ye. Huquqni muhofaza qilish organlari. - T.: Adolat, 2006. - B.52.
3. Okhunov I.A, Rakhmonov O.M, Aliyeva G.A//Improving pedagogical conditions for developing a responsible attitude to virtual learning in future teachers// Psychology and education (2021) 58(1): 4035-4041.
4. NT Muydinov, OI Radjabov, GA Halilova. The study of rheological properties and structure of films obtained on the basis of collagen. Problems and Perspectives in Pharmaceutics and Drug Discovery. 2018.3.1.69-72.
5. Инсон камолотининг маънавий асослари. –Т.: Университет